

মতবিনিময়ে সফলদের কথা শুনে মুক্ত উপরাষ্ট্রপতি



প্রেস রিলিজ, আগরতলা, ৬ অক্টোবর।। উ পরাষ্ট্রপতি এম ভেঙ্কাইয়া নাইডু দুদিনের রাজ্য সফরে এসে বৃধবার রবীন্দ্র শতবার্ষিকী ভবনের ২ নং প্রেক্ষাগৃহে কৃষি, স্বাস্থ্যক্ষেত্রের প্রথম সারির কর্মী ও স্বসহায়ক দলের সফল ব্যক্তিদের সাথে এক মতবিনিময় সভায় মিলিত হন। স্বাস্থ্যকর্মী ও অন্যান্য সফল

ব্যক্তিদের সাথে কথা বলতে গিয়ে উপরাষ্ট্রপতি বলেন, তিনি উত্তর-পূর্বাঞ্চলের বিভিন্ন রাজ্য ঘুরে বেড়াচ্ছেন কোথায় কি উন্নয়ন হয়েছে দেখার জন্য। কোভিড-১৯ মোকাবিলায় আশাকর্মী সহ বিভিন্ন স্তরের স্বাস্থ্যকর্মী, আরক্ষা ও নিরাপত্তা কর্মী, স্যানিটেশন ওয়াকার সহ অন্যান্যরা যে উল্লেখযোগ্য

ভূমিকা নিয়েছেন তার প্রশংসা করেন। মতবিনিময় অনুষ্ঠানে তিনি বলেন, কোভিড অতিমারী এখনও নির্মূল হয়নি, যদিও তার প্রকোপ কমেছে। এই পরিস্থিতিতে সমস্ত ক্ষেত্র বিশেষ করে শিল্প মারাত্মকভাবে ক্ষতিগ্রস্ত হয়েছে। কিন্তু একমাত্র দেশে কৃষিক্ষেত্রে ৪.৩ শতাংশ প্রবৃদ্ধি লক্ষ্য করা গিয়েছে।



তিনি কৃষকদের আমাদের সকলের অন্নদাতা বলে অভিহিত করেন এবং তাদের অভিনন্দন জানান। এই মতবিনিময় অনুষ্ঠানে অন্যান্যদের মধ্যে উপস্থিত ছিলেন মুখ্যমন্ত্রী বিপ্লব কুমার দেব, উপমুখ্যমন্ত্রী যীযুৎ দেববর্মী, কৃষিমন্ত্রী প্রণজিৎ সিংহরায়, জনজাতি কল্যাণমন্ত্রী মেবার কুমার জমতিয়া।। তাছাড়াও

উপস্থিত ছিলেন শিক্ষামন্ত্রী রতন লাল নাথ, খাদ্যমন্ত্রী মনোজ কান্তি দেব, প্রাণীসম্পদ বিকাশ মন্ত্রী ভগবান চন্দ্র দাস, মুখ্যসচিব কুমার অলক ও স্বাস্থ্য দফতরের প্রধান সচিব জে কে সিনহা। অনুষ্ঠানে স্বাগত ভাষণে কৃষিমন্ত্রী প্রণজিৎ সিংহরায় আজকের দিনটিকে একটি বিশেষ দিন বলে অভিহিত করেন। তিনি বলেন,

দেশের উন্নয়নে ৩০ শতাংশ যোগদান রয়েছে কৃষিক্ষেত্রে। রাজ্যেও কৃষিক্ষেত্রের উন্নয়নে মুখ্যমন্ত্রীর নেতৃত্বে বিভিন্ন পদক্ষেপ নেওয়া হয়েছে। তাই এখন রাজ্যের ফসল বিদেশে যাচ্ছে। উৎপাদন বৃদ্ধি ও গুণমান বৃদ্ধির উপর অগ্রাধিকার দেওয়া হচ্ছে। এতে কৃষকদের গড় মাসিক আয় বেড়ে ১১,০৯৬



টাকা দাঁড়িয়েছে। মতবিনিময় অনুষ্ঠানে দেবীছড়ার ধনলক্ষ্মী স্বসহায়ক দল, জাগৃতি স্বসহায়ক দল ও লক্ষ্মী স্বসহায়ক দলের সদস্যরা তাদের অভিজ্ঞতার কথা উপরাষ্ট্রপতির কাছে তুলে ধরেন। মোহনপুরের কৃষি উদ্যোগী চন্দ্র কুমার শিকদার, আগরতলার উদ্যোগী প্রশান্ত রঞ্জন দে, আশাকর্মী বেগম

অরুণা আহমেদ ও ডা. সঙ্গীতা চক্রবর্তীাদেরও অভিজ্ঞতার কথা উপরাষ্ট্রপতি এম ভেঙ্কাইয়া নাইডু মনোযোগ সহকারে শোনেন। অনুষ্ঠানের শুরুতে মুখ্যমন্ত্রী বিপ্লব কুমার দেব রিসা দিয়ে উপরাষ্ট্রপতিকে স্বাগত জানান। ধন্যবাদ জ্ঞাপন করেন স্বাস্থ্য দফতরের প্রধান সচিব জে কে সিনহা।

আরএসএস’র মিছিল



প্রতিবাদী কলম প্রতিনিধি, ধর্মনগর, ৬ অক্টোবর।। বৃধবার অন্যান্য বছরের মত এবারও মহালয়াতে আরএসএস’র উদ্যোগে রাজ্যের বিভিন্ন স্থানে মিছিল সংগঠিত হয়। প্রায় চার শতাধিক স্বেচ্ছাসেবক তাদের পথ

সঞ্চালন কর্মসূচিতে অংশ নেন। ডিবিআই মাঠ থেকে শুরু হয়ে মিছিলটি শহরের বিভিন্ন পথ পরিভ্রমণ করে। পুনরায় ডিবিআই মাঠে এসে মিছিল শেষ হয়। তাদের যাত্রাপথে মহিলারা শঙ্খ বাজিয়ে উল্লুংগনি দিয়ে এবং ফুল ছিটিয়ে

অভ্যর্থণা জানান। সারা বছর আরএসএস স্বেচ্ছাসেবকদের কেমন প্রশিক্ষণ হয়েছে তা এদিনের মিছিলের মধ্য দিয়ে মহড়া দেওয়া হয়। মিছিলের নেতৃত্বে ছিলেন উত্তর জেলার সঞ্চালক প্রমুখ হারাণ চন্দ্র দাস।

চিকিৎসক শূন্য হাসপাতাল!



প্রতিবাদী কলম প্রতিনিধি, বিশালগড়, ৬ অক্টোবর।। সরকারি হাসপাতালগুলির চিকিৎসা পরিষেবা নিয়ে বারবার প্রশ্ন উঠছে। বৃধবার সকালে বেশ কয়েকজন রোগী বিশালগড় মহকুমা হাসপাতালের ইমার্জেন্সি বিভাগে পরিষেবা গ্রহণের জন্য গিয়েছিলেন। কিন্তু দীর্ঘ সময় ধরে

তারা অপেক্ষা করলেও কর্তব্যরত চিকিৎসকের দেখা মেলেনি। জঙ্গালিয়া এলাকার ৭০ বছরের এক মহিলাও তাদের সাথে দীর্ঘ সময় পর্যন্ত অপেক্ষা করেন চিকিৎসকের জন্য। প্রায় এক ঘণ্টা সময় তিনি অপেক্ষা করলেও চিকিৎসকের আর দেখা মেলেনি। অভিযোগ, ওই সময়ে

হাসপাতালের এসডিএমও-সহ অনারী ঘূমে আচ্ছন্ন ছিলেন। হাসপাতালে চিকিৎসক স্বল্পতার কারণে বার বার পরিষেবা নিয়ে প্রশ্ন উঠছে। ওই বৃদ্ধা সংবাদমাধ্যমের সাথে কথা বলতে গিয়ে জানান, তিনি গাড়ি ভাড়া করে হাসপাতালে এসেছিলেন। কিন্তু দীর্ঘ সময় অপেক্ষা করে তাকে খালি হাতেই বাড়ি ফিরতে হয়। একে তো গাড়ি ভাড়ার অর্থ কোনো কাজে আসেনি সেই সাথে চিকিৎসা পরিষেবাও পাননি ওই বৃদ্ধা। এই ধরনের চিকিৎসা পরিষেবা প্রদান করা হয় বলেই সাধারণ মানুষ অধিকাংশ ক্ষেত্রে চিকিৎসকদের চেয়ারে আসতে বাধ্য হন। এদিন বিশালগড় হাসপাতালের বেসরকারি নিরাপত্তারক্ষীরা দু’বার করে কর্তব্যরত চিকিৎসকদের খবর দিয়েছিলেন রোগী দেখার জন্য। কিন্তু তা সত্ত্বেও চিকিৎসকের দেখা মেলেনি।

রাস্তার বেহাল দশা, জনদুর্ভোগ



প্রতিবাদী কলম প্রতিনিধি, উদয়পুর, ৬ অক্টোবর।। দীর্ঘ ৮ থেকে ১০ বছর হয়েছে উদয়পুর বড়টিলার রাস্তাটি বেহাল অবস্থায় পড়ে আছে। উদয়পুর পুরোহো মোটরস্ট্যান্ড থেকে প্রতিদিন বড়টিলা হয়ে ৪০ থেকে ৫০টি অটো কির্রা, পিরা, নিতাবাজার,ফেঁটামাটি এলাকায় যাতায়াত করে। আবার সাপ্তাহিক ৫ দিন এই রাস্তা দিয়ে বড় গাড়িও চলাচল করতো। কিন্তু রাস্তা বেহাল হওয়ার কারণে বড় গাড়িগুলি এখন আর যাতায়াত করে না। ছোট

গাড়িগুলিও রাস্তা খারাপ হওয়ার জন্য যেতে চায় না। যে কয়েকটি গাড়ি নিয়মিত যাত্রী পরিষেবা দেয় তারা অতিরিক্ত ভাড়া আদায় করে। গাড়ি চালকদের অভিযোগ রাস্তা বেহাল দশায় থাকার কারণে গাড়ি চালাতে হচ্ছে করে না। প্রতিদিন গাড়ি চালিয়ে যে টাকার রোজগার হয় তার থেকে বেশি খরচ হলে যায় গাড়ি মেরামতের জন্য। দিনে কিংবা রাতে যদি কেউ অসুস্থ হন তাকে চিকিৎসকের কাছে নিয়ে যেতে খুব কষ্ট হয়। গর্ভবতী মায়েরা এই রাস্তা

দিয়ে আসা যাওয়া করতে কি ধরণের সমস্যা হয় তা বলার অপেক্ষা রাখে না। স্থানীয়দের অভিযোগ পঞ্চয়েত থেকে পূর্ত দফতরে অভিযোগ জানিয়েও কোনো কাজ হচ্ছে না। রাস্তা সংস্কারের দাবিতে এলাকাবাসী এবং গাড়ি চালকরা আগে রাস্তা অবরোধ করেছিলেন। কিন্তু প্রত্যেক বারই প্রশাসনিক কর্তারা অবরোধ স্থলে গিয়ে রাস্তা মেরামতের প্রতিশ্রুতি দিয়ে আসেন। কিন্তু সেই প্রতিশ্রুতি আজ পর্যন্ত বাস্তব রূপ পানি।

নবোদয় সংঘের উদ্যোগ

প্রতিবাদী কলম প্রতিনিধি, চড়িলাম, ৬ অক্টোবর।। সুবর্ণজয়ন্তী বর্ষ উদযাপন উপলক্ষে মেগা স্বাস্থ্য শিবিরের আয়োজন করল নবোদয় সংঘ। বিশ্রামগঞ্জ সিপাহিজলা জেলা পুলিশ সুপার অফিসের উল্টো দিকে জাতীয় সড়কের পাশে পশ্চিম বড় জলায় অবস্থিত নবোদয় সংঘ। বৃধবার প্রদীপ প্রজ্জ্বলন করে নবোদয় সংঘের মেগা স্বাস্থ্য শিবিরের সূচনা করেন সিপাহিজলা জিলা পরিষদের সভাপতি স্তি স্মিত্রা দাস দত্ত। এছাড়াও অনুষ্ঠানে উপস্থিত ছিলেন স্থানীয় বিধায়ক বীরেন্দ্র কিশোর দেববর্মী, রাজ্য হজ কমিটির চেয়ারম্যান জসিম উদ্দীন, সিপাহিজলা জেলার পুলিশ সুপার কৃষ্ণেন্দু চক্রবর্তী, হেপাটাইটিস ফাউন্ডেশন অফ ত্রিপুরার প্রতিষ্ঠাতা সভাপতি ডা. প্রদীপ ভৌমিক। অনুষ্ঠানে সভাপতিত্ব করেন ক্লাব সভাপতি বিপুল দেবনাথ। নবোদয় সংঘের উদ্যোগে এবং হেপাটাইটিস ফাউন্ডেশন অফ ত্রিপুরার বিশ্রামগঞ্জ শাখার সহযোগিতায় এই মেগা স্বাস্থ্য শিবির অনুষ্ঠিত হয় নবোদয় সংঘ প্রাদেশে।

হেল্থ ক্যাম্প

প্রেস রিলিজ, আগরতলা, ৬ অক্টোবর।। সমাজের প্রতি নিজেদের সামাজিক দায়বদ্ধতা বজায় রেখে থাক-পূজো মরসুমে ‘হসপিটাল ম্যানেজমেন্ট প্রফেশনালস অ্যাসোসিয়েশন সংস্থার উদ্যোগে গত ৩ অক্টোবর ২০২১ স্থানীয় বড়জলা, আগরতলাস্থিত “আপনা ঘর” বৃদ্ধাশ্রমে একটি বিনামূল্যে স্বাস্থ্য শিবিরের আয়োজন করা হয়েছিল। উক্ত স্বাস্থ্য শিবিরে প্রধান অতিথি হিসেবে উপস্থিত ছিলেন আগরতলা প্রেস ক্লাবের সম্পাদক প্রণব সরকার। ছিলেন বিশিষ্ট চিকিৎসক ডা. সুশান্ত কুমার সেন, ডা. শুভরঞ্জন পাল, ডা. স্বরূপ দত্ত প্রমুখ এবং সংস্থার অন্যান্য সদস্যবৃন্দ। উদ্বোধনী বক্তব্য রাখতে গিয়ে অতিথিবৃন্দ পরিবার ও সমাজে ব্যয়োগ্যেষ্ঠদের অবদানের প্রেক্ষাপট তুলে ধরেন। শিবিরে বিশিষ্ট চিকিৎসকদের দ্বারা স্বাস্থ্য পরীক্ষার পাশাপাশি “আপনা ঘর” সংস্থার আবাসিকদের মধ্যে বিনামূল্যে মাস্ক, স্যানিটাইজার, কেক, ফল ও গুঁড়ু বিতরণ করা হয়। এখানে উল্লেখ্য যে, হসপিটাল ম্যানেজমেন্ট প্রফেশনালস অ্যাসোসিয়েশনটি হসপিটাল ম্যানেজমেন্ট ডিগ্রিধারী পেশাদার ব্যক্তিদের সংস্থা, যে পেশার কাজ হচ্ছে যে কোনো হাসপাতালের পরিষেবার সূত্রে পরিচালনা ও সমন্বয় সাধনের দ্বারা হাসপাতালের পরিষেবার গুণগতমান বৃদ্ধি করা ও রোগীদের হাসপাতালের পরিষেবার প্রতি আস্থা বাড়ানো। বর্তমানে হিব্রিডজ্যে সমস্ত বেসরকারি হাসপাতাল ও অনেক সরকারি হাসপাতালে হসপিটাল ম্যানেজমেন্ট ডিগ্রিধারী ব্যক্তিরা রোগীর পরিষেবার উন্নয়নে গুরুত্বপূর্ণ ভূমিকা পালন করে থাকেন। এক বিজ্ঞপ্তিতে এই সংবাদ জানিয়েছেন সংস্থার সম্পাদকের পক্ষে শুভম দাস।

ভগ্নদশায় পরিণত রাস্তা



প্রতিবাদী কলম প্রতিনিধি, সার্বঙ্গম, ৬ অক্টোবর।। নগর প্রশাসনের উদাসীনতার কারণে, রাস্তা দিয়ে চলাচল করতে গিয়ে ভোগান্তির শিকার হচ্ছে সাধারণ জনগণ। ঘটনা সার্বঙ্গম মহকুমার সার্কম নগর পঞ্চায়েতের ০৭ নং এবং ০৮ নং ওয়ার্ডের মধ্য দিয়ে সার্বঙ্গম বাজার হয়ে লুধুয়া, বৈষ্ণবপুর ও মাথাম যাবার একমাত্র রাস্তাটির কিছু কিছু জায়গা ভগ্নদশায় পরিণত হয়ে

সাংঘাতিক আকার ধারণ করে রয়েছে। এর মধ্যে সার্কম নগর পঞ্চায়েতের দুইটি ওয়ার্ডের মধ্য দিয়ে কমলারজোত এলাকাটি খুবই ভগ্নদশায় পরিণত হয়ে আছে। নগর পঞ্চায়েতের ওয়ার্ডের লোকজনদের অভিযোগ রাস্তা ভগ্নদশায় পরিণত হওয়ার কারণে এতোটা কষ্ট হচ্ছে যে, রাস্তার পাশে যে বিদ্যুতের খুঁটি রয়েছে ওই খুঁটিগুলিতে লাইট জ্বলে না। শুধু

তাই নয় অল্প একটু বৃষ্টি হলেই, ওই স্থানে কোমর পর্যন্ত জল জমে যায়। তখনই চলাচল একেবারে বন্ধ হয়ে পড়ে। অথচ এই রাস্তা দিয়ে প্রতিদিন ছোট-বড় গাড়ি, বাইক ও বাইসাইকেল থেকে শুরু করে শত শত লোকজনেরা এই রাস্তা দিয়ে চলাচল করে। সার্কম নগর পঞ্চায়েতের বিভিন্ন ওয়ার্ডের লোকজনেরা লুধুয়া, বৈষ্ণবপুর, মাথাম যাওয়ার জন্য এটিই একমাত্র চলাচলের রাস্তা। এই নিয়ে বহুবার সংবাদমাধ্যমে খবরের পরও সার্কমের নগর প্রশাসন কুস্ত নিদ্রায় রয়েছেন। নগরের সাধারণ লোকজনেরা বহুবার স্থানীয় বিধায়ক থেকে শুরু করে নগর প্রশাসনকে জানানোর পরেও কর্তৃপক্ষের কোন প্রকার হেলদোল নেই। এতে নগর পঞ্চায়েত ও অন্যান্য এলাকার লোকদের মধ্যে তীব্র ক্ষোভ বিরাজ করেছে।

দিল্লি অভিযান উপলক্ষে বাইক মিছিল



প্রতিবাদী কলম প্রতিনিধি, গন্ডাছড়া, ৬ অক্টোবর।। খেটার তিথ্রা ল্যান্ডের দাবিতে আগামী ১৬ অক্টোবর দিল্লি অভিযানকে সামনে রেখে রাইমাভ্যালি তিথ্রা মথার ব্লক যুব সংগঠনের উদ্যোগে বৃধবার বাইক ব্যালি সংগঠিত করা হয়।

বাইক ব্যালিটি গন্ডাছড়া হরিপুরস্থিত দলীয় অফিস প্রাঙ্গণ থেকে যাত্রা শুরু করে বিভিন্ন ব্লক পরিভ্রমণ করে। এদিন উপস্থিত ছিলেন ত্রিপুরা স্বশাসিত জেলা পরিষদের মৎস্য দপ্তরের কার্যনির্বাহী সদস্য বাজেশ ত্রিপুরা, রাইমাভ্যালি ব্লক যুব

সংগঠনের সভাপতি উপল ত্রিপুরা প্রমুখ। এই দিন যুব সংগঠনের কর্মীরা প্রায় পাঁচ শতাধিক বাইক নিয়ে একে একে উদ্বুরনগর ব্লক, রইসাবাড়ি ব্লক এবং গঙ্গানগর ব্লক পরিভ্রমণ করে। এ দিনের বাইক র্যালিতে কর্মী-সমর্থকদের মধ্যে উৎসাহ ছিল লক্ষ্য করার মতো।

দু’দিনের রাজ্য সফরে উপরাষ্ট্রপতি



প্রেস রিলিজ, আগরতলা, ৬ অক্টোবর।। দু’দিনের রাজ্য সফরে উপরাষ্ট্রপতি এম ভেঙ্কাইয়া নাইডু বৃধবার সকালে বায়ুসেনার বিশেষ বিমানে আগরতলায় এসে পৌঁছেছেন। মহারাজা বীরবিক্রম বিমানবন্দরে তাঁকে স্বাগত জানান মুখ্যমন্ত্রী বিপ্লব কুমার দেব, উপমুখ্যমন্ত্রী যীযুৎ দেববর্মী ও কেন্দ্রীয় সামাজিক ন্যায় ও ক্ষমতায়ন প্রতিমন্ত্রী প্রতিমা ভৌমিক। বিমানবন্দরে উপস্থিত ছিলেন মুখ্যসচিব কুমার অলক, রাজ্য পুলিশের মহানির্দেশক ভি এস যাদব, পশ্চিম ত্রিপুরা জেলার জেলাশাসক দেবপ্রিয় বর্ধন সহ প্রশাসনের অন্যান্য আধিকারিকগণ।

অযোষিত বারে পুলিশের অভিযান

প্রতিবাদী কলম প্রতিনিধি, কদমতলা, ৬ অক্টোবর।। অনেকদিন ধরেই অভিযোগ ছিল চুঁরাইবাড়ি থানাধীন কদমতলা এলাকের দয়ানন্দধাম আশ্রম সংলগ্ন এলাকায় রঞ্জিত মালাকারের দোকানে অযোষিত বার চলছে। বৃধবার রাতে চুঁরাইবাড়ি থানার পুলিশ রঞ্জিত মালাকারের দোকানে হানা দেয়। সেখানে গিয়ে দেখা যায় তিন যুবক নেশার আসর চালিয়ে যাচ্ছে। কিন্তু রঞ্জিত মালাকার পুলিশের আঁচ পেয়ে ঘটনাস্থল থেকে পালিয়ে যায়। পুলিশ তিন যুবককে আটক করে থানায় নিয়ে আসে। আটককৃতদের নাম শ্যামল দেবনাথ, নিবাস চন্দ্র দে, প্রদীপ দেবনাথ।



তৃণমূল রাজ্য স্টিয়ারিং কমিটির আহ্বায়ক সুবল ভৌমিকের হাত ধরে তৃণমূলে যোগদান পর্ব।

বৃধবারের তোলা নিজস্ব চিত্র।